

Nunatta Qitornai

Inatsisartuni



26. september 2019

UKA2019/154

Uunga siunnersuut: Ilinniartut ineqarfii pillugit Namminersorlutik Oqartussat inatsisaat nr. xx, xx. xxx 2019-imeersoq.

(Aleqa Hammond, Nunatta Qitornai)

Inuaqatigiinni ukiuni kingullerni 30-ini ilinniarsimassutsikkut angusarput pillugu tulluusimaarutissarpassuavut pillugit aammalu ilinniarsimalluartorpassuavut nakuussutivut pillugit pilluaqqoqqarumavagut.

Uanga meerallunga tusarsimangilanga kalaallinit nakorsanik, inatsisilerituunik, timmisartortartunik, kigutit nakorsaanik ila allaalluunniit sulinermiluunniit ingerlatsinermi kalaallinik pisortaasunik. Ullumikkut tamakkorpassuit inuaqatigiinni pigilernikuavut, aqqutissiuussisorivagut aammalu siuttuuffiginnipput allanut ilinniagaqarumalersitsillutik.

Nunatsinni ilinniartortavut amerlanerpaarpaataatut illoqarfitsik qimallugu iliniariakaasarput. Ilaqu-tariittut aaqqissugaanerput tunngavigalugu ilaatigullu perorsagaanerput aallaavigalugu anger-larsimaffiup ilorrisimaarnartui maqaasillugit angerlarserneq annertusaqaaq. Inuuusuttavut nukit-torsassuavut, piareersassuavut aammalu imatut perorsassuavut siunnerfik sunaagaluartorluunniit siunnerfigineqartillugu naammassillugu anguniarnissaanut nukissaqalersillugit. Ullumikkut ilinniakkaminnik unitsitsiinnartarnerup ajornartorsiutigisaasa ilagaat angerlarserneq, inigisamik ippigiat-neq imaluunniit inuttut atukkat oqimaassinnaasut. Misissuinerup takutissimavaa ilinnigassarisamut artorsarneq imaluunniit malinnaasinnaannginneq kisimi tunngavigineqarneq ajortoq kisiannili allat tungavigineqartartut.

Ilinniartut inissiaanut tulluarsaaniarneq tunngaviatigut isumaqatiginaqaaq, taamaakkaluartoq aki-liuteqartarnermut naalakkersuisunut isumannguamik kaammattutaasumik apuassiumavunga. Islandimi kollegiat sumi tamaani nunaminni siammassisumik inisisimasut Eddanik taaneqartartut aaqqissugaanerat torrallatitatut taajumavara.

Ilinniartut feerialeraagamik imaartarpaat. Ilinniartut feeriernerini takornariaqarnermut suliallit akisussaaffik tigusarpaat. Hoteleeqqatut atuutsinnejartarpot allatuulli takornariaqarnermut suli-aqartut eqqiarnerat, siniffilornerit, ullaakkorsiutinik isumaginninnerat aningaasatigut ingerlatat tamaasa isumagisarlugit. Aningaasap isertup qasserarterutiginerpaa ilinniartut inigisaanut pitsangorsaatissatut nakkartinnejartarpoq. Saagut nutaat, madrasit pitsaasut, qipiit pitsaasut, oqorutit qalii, errorsivit, nerinermut atortut ilaalu nutartikulalersinneqarlutik kusanartumillu paari-neqalerlutik. Takkuuk, aaqqissuussineq eqaatsoq torrallataq. Ilinniartut ineqarnermut akiliutaat appasitsinnejarpoq, aserfallatsaaneq appasitsinnejarpoq, takornarissanik suliaqartut iluanaassapput,

Nunatta Qitornai

Inatsisartuni



nunamut tikissinnaasut amerlanerusut unnuiffissaqarput ataatsimullu isigalugu aaqqissuussinerup ilinniartut ataaqqinartunik kusanartunillu atugassaqaqtinneqarput – naggataatigut uniinnartarnerup annikillisinneqarneranik kinguneqartumik.

Isumaqpugut naalakkersuisoqarfiiit akimorlugit isumaqatigiissuteqartarnikkut tamakku torrallal-lugit aaqqissuunneqarsinnaasut. Tamarmik iluaqtissaanik nassataqarpoq.

Taamatut oqaaseqarluta siunnersuut ilinniartitaanermut ataatsimiititaliamut ingerlateqqipparput.